

Inuussutissat ullussaminnik qaangiisimasut tuniniaqqusaannginnerannik sanioqqutsinnaanerit pillugit Namminersorlutik Oqartussat nalunaarutaat nr. 49, 18. december 2020-meersoq

Inuussutissat pillugit Inatsisartut inatsisaanni nr. 24-mi, 28. november 2019-imeersumi § 6, imm. 3 tunngavigalugu aalajangersarneqarpoq:

Inuussutissat ullussaminnik qaangiisimasut tuniniaqqusaannginnerannik sanioqqutsinerit

§ 1. Sumiiffinni sikusartuni piffissani sikuuffiusuni inuussutissanik ullussaminnik qaangiisimasunik atuisussamat tuniniaasoqarsinnaavoq, nioqqut ulloq aalajangersimasoq "sioqqullugu pitsaaneruvoq"-mik imaluunniit ulloq aalajangersimasoq tikillugu "sivikinnerpaamik piusinnaasoq"-mik nalunaaqutserneqarsimappat, inuussutissamillu nioqqutissiortumit inuussutissap ullussamik qaangeereernerup kingorna atorneqarnissaata peqqissutsimut ulorianaateqannginnerannik **uppernarsaammik** takutitsisoqarsinnaappat.

Imm. 2. Inuussutissat "atorneqarsinnaaffia kingulleq"-mik nalunaaqutserneqarsimasut tappiorannartulerinerlu eqqarsaatigalugu asiujasuusut, kiisalu inuussutissat piffissap sivikitsup ingerlanerani inuit peqqissusiannik ulorianartorsiortitsisinnaasut imm. 1-imut ilaatinneqanngillat.

§ 2. Nalunaarut 19. december 2020-mi atuutilerpoq.

Namminersorlutik Oqartussat, ulloq 18. december 2020


Jens Immanuelson

/


Jørgen Isak Olsen